

Na osnovu člana 37. alineja h) Ustava Zeničko-dobojskog kantona ("Službene novine Federacije Bosne i Hercegovine", broj 7/96), a u skladu sa članom 6. Zakona o ustanovama ("Službeni list Republike Bosne i Hercegovine", broj 6/92, 8/93 i 13/94), članom 86. Zakona o visokom obrazovanju ("Službene novine Zeničko-dobojskog kantona", broj 15/99) i Odlukom o usvajanju Elaborata o opravdanosti osnivanja Univerziteta u Zenici, broj: 01-221/20. od 18.oktobra 2000. godine, Skupština Zeničko-dobojskog kantona, na 22. sjednici, održanoj 18.IO. 2000. godine, na prijedlog Vlade Zeničko-dobojskog kantona, donosi

O D L U K U

O OSNIVANJU UNIVERZITETA U ZENICI

Član 1.

Skupština Zeničko-dobojskog kantona (u daljem tekstu: Skupština Kantona) osniva Univerzitet u Zenici (u daljem tekstu: Univerzitet), kao javnu ustanovu.

Član 2.

Univerzitet djeluje pod nazivom: "Bosna i Hercegovina, Federacija Bosne i Hercegovine, Zeničko-dobojski kanton, Univerzitet u Zenici", sa sjedištem u Zenici.

Univerzitet ima svojstvo pravnog lica i u pravnom prometu nastupa samostalno u svoje ime i za svoj račun.

Članice Univerziteta udruživanjem u Univerzitet zadržavaju svojstvo pravnog lica.

Član 3.

Univerzitet ima svoj pečat, a po potrebi i svoj znak. Sadržaj pečata i znaka (ukoliko ga ima) bliže se uređuje Pravilima Univerziteta.

Član 4.

Na osnovu ove odluke u Univerzitet se udružuju visokoškolske i naučne ustanove i druge ustanove čija djelatnost je u neposrednoj vezi sa visokim obrazovanjem i naučnoistraživačkim radom nad kojima je Zeničko-dobojski kanton preuzeo i ima prava osnivača, i to:

- Fakultet za metalurgiju i materijale u Zenici,
- Mašinski fakultet u Zenici,
- Pedagoška akademija u Zenici i
- Metalurški institut "Kemal Kapetanović" iz Zenice.

Član 5.

Djelatnost Univerziteta je obavljanje poslova od zajedničkog interesa za visokoškolske, naučne i druge ustanove čija djelatnost je u neposrednoj vezi sa visokim obrazovanjem i naučnoistraživačkim radom, ostvarivanje i unapređjivanje djelatnosti visokog obrazovanja i naučnoistraživačkog rada i drugih djelatnosti koje su u neposrednoj vezi sa visokoškolskim i naučnoistraživačkim radom.

Član 6.

U skladu sa zakonom, Univerzitet ima svoj organ upravljanja, nadzorni i rukovodni organ, stručni organ i sekretarijat za obavljanje administrativno-finansijskih i drugih poslova koji su neophodni u njegovom djelovanju, a što se bliže uređuje Pravilima i drugim opštim aktima Univerziteta.

Upravni odbor Univerziteta ima sedam (7) članove koje imenuje osnivač.

Tri člana Upravnog odbora Univerziteta imenuju se iz reda zaposlenih djelatnika u članicama Univerziteta.

Nadzorni odbor Univerziteta ima tri (3) člana, s tim da se jedan član imenuje iz reda zaposlenih djelatnika u članicama Univerziteta.

Rektora Univerziteta imenuje Upravni odbor Univerziteta na osnovu konkursa koji se objavljuje u javnim glasilima, uz saglasnost osnivača Univerziteta i isto lice ne može biti član Upravnog odbora Univerziteta.

Sastav, izbor i nadležnosti organa Univerziteta bliže se reguliše zakonom i Pravilima Univerziteta.

Član 7.

U Upravni odbor Univerziteta imenuju se:

1. Smajlović Husein, predsjednik,
2. Pašalić Zakir, član,
3. Ajanović Ekrem, član,
4. Čelebić Kemal, član,
5. Vukojević Dušan, član i
6. Gavranović Ahmet, član.
7. Tomljenović Milan, član

Vršilac dužnosti rektora Univerziteta, a do imenovanja rektora, je Brdarević Safet, redovni profesor.

Članice Univerziteta navedene u članu 4. ove odluke, formirat će zajedničko tijelo - odbor, koje će izvršiti sve pripremne radnje za konstituisanje i početak rada Univerziteta. Ovom zajedničkom tijelu - odboru, predsjedavat će vršilac dužnosti rektora Univerziteta koji će zastupati i predstavljati Univerzitet u osnivanju, sa svim ovlašćenjima i odgovornostima koje ima organ rukovodjenja Univerzitetom.

Član 8.

Univerzitet ima pravo i obavezu da obavlja djelatnost radi koje je i osnovan.

Zeničko-dobojski kanton će obezbjedjivati neophodna sredstva za rad Univerziteta i stvarati druge neophodne uslove za njegov rad i razvoj u skladu sa projiciranim i usvojenim Standardima i Normativima, a svoja osnivačka prava prema Univerzitetu ostvarivat će putem svojih članova u organima Univerziteta (Upravni i Nadzorni odbor Univerziteta) i nadležnog ministarstva Zeničko-dobojskog kantona, a u skladu sa zakonom.

Član 9.

Skupština Kantona iz svog Budžeta, za osnivanje i početak rada Univerziteta, a u skladu sa Standardima i Normativima, obezbjeđuje novčana sredstva u iznosu od 50.000 KM.

Član 10.

Univerzitet sredstva za rad, odnosno prihode, stiče i obezbjeđuje:

- iz Budžeta Zeničko-dobojskog kantona,
- realizacijom naučnoistraživačkog rada,
- pružanjem i prodajom intelektualnih, kulturnih i materijalnih dobara i usluga,
- iz izdavačke djelatnosti,
- iz legata, poklona, zavještanja i donacija pravnih i fizičkih domaćih i stranih lica,
- iz učešća članica Univerziteta, u skladu sa Ugovorom o udruživanju u Univerzitet i
- iz drugih izvora.

Član 11.

Višak prihoda nad rashodima koji se iskaže po završnom računu Univerziteta, odlukom Upravnog odbora Univerziteta usmjerit će se u razvojne programe Univerziteta i obnavljanje njegovih djelatnosti radi kojih je i osnovan.

Višak rashoda nad приходima koji se iskaže po završnom računu, Univerzitet pokriva iz sredstava kojim raspolaže i drugih izvora na koje ima pravo.

Zeničko-dobojski kanton može odobriti sredstva iz svog Budžeta kao pomoć za pokriće gubitaka Univerziteta, ukoliko Vlada Zeničko-dobojskog kantona utvrdi da je gubitak nastao iz opravdanih okolnosti.

Član 12.

Rok za donošenje Pravila Univerziteta i imenovanje rektora je 90 dana od dana donošenja ove odluke.

Član 13.

Sve javne ustanove iz člana 4. ove odluke, kao i Zeničko-dobojski kanton i njegovi organi, imaju obavezu postupiti po ovoj odluci koja se smatra aktom o osnivanju ustanove Univerziteta.

Sve javne ustanove iz člana 4. ove odluke obavezuju se zaključiti Ugovor o udruživanju u Univerzitet. Prije zaključenja ovog ugovora isti se obavezno dostavlja nadležnom kantonalnom ministarstvu radi utvrđivanja usaglašenosti sa zakonom.


Član 14.

Ova odluka stupa na snagu danom donošenja i objavit će se u "Službenim novinama Zeničko-dobojskog kantona".

Broj: OI- 222 /2000.
18.10.2000. godine
Zenica



PREDSJEDAVAJUĆI SKUPŠTINE


Šefik Džaferović